

Na osnovu članova 7. 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 65/13), člana 10. stav (2) Zakona o fondu za zaštitu okoliša Hercegovačko-neretvanskog kantona ("Službene novine HNK", broj: 6/12) i člana 10. stav (2) Statuta Fonda za zaštitu okoliša Hercegovačko-neretvanskog kantona ("Službene novine HNK", broj: 9/12), a u vezi sa članom 5. Zakona o izmjenama i dopunama Zakona o kantonalnim ministarstvima i drugima organima kantonalne uprave ("Službene novine HNK", broj: 4/07) i Odluke Vlade Hercegovačko-neretvanskog kantona o pristupanju raspisivanju javnog oglasa za imenovanje članova Upravnog odbora Fonda za zaštitu okoliša Hercegovačko-neretvanskog kantona, broj:01-1-02-429/24 od 23.2.2024. godine, ministar trgovine, turizma i zaštite okoliša Hercegovačko-neretvanskog kantona, objavljuje

JAVNI OGLAS ZA IZBOR I IMENOVANJE ČLANOVA UPRAVNOG ODBORA FONDA ZA ZAŠTITU OKOLIŠA HERCEGOVAČKO-NERETVANSKOG KANTONA

I. Predmet javnog oglasa

Objavljuje se Javni oglas za izbor i imenovanje na poziciju članova Upravnog odbora Fonda za zaštitu okoliša Hercegovačko-neretvanskog kantona, koje predlaže Ministarstvo trgovine, turizma i zaštite okoliša HNK i to:

- pet (5) članova.

II. Opis pozicije

Upravni odbor u svom djelokrugu vrši sljedeće poslove:

- a) donosi Statut i druge opšte akte Fonda,
- b) donosi finansijski plan, utvrđuje program rada, usvaja godišnji obračun i izvještaj o radu Fonda;
- c) stara se o blagovremenom prilivu sredstava u Fond kao i o transparentnom odlivu istih;
- d) održava fiskalnu bilancu i ne dopušta stvaranje finansijskih obaveza Fonda prema korisnicima koje ne može pokriti iz prihoda;
- e) imenuje i razrješava direktora Fonda;
- f) imenuje komisije i radna tijela Upravnog odbora;
- g) utvrđuje stope naknada u okviru ovlaštenja datih na osnovu zakonskih odredba uz saglasnost Vlade Kantona;
- h) zaključuje po potrebi ugovor s korisnicima sredstava Fonda;
- i) vrši i druge poslove u skladu sa zakonom, Statutom i drugim općim aktima Fonda.

III. Mandat

Članovi Upravnog odbora imenuju se na period od 4 (četiri) godine.

IV. Način izbora

Upravni odbor čini pet (5) članova koje imenuje Vlada Kantona.

V. Uslovi za poziciju

Kandidat za člana Upravnog odbora mora ispunjavati sljedeće uslove:

V.1. Opšti uslovi

1. da je državljanin Bosne i Hercegovine,
2. da je stariji od 18 godina,
3. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri (3) godine prije dana objavljivanja upražnjene pozicije,
4. da se na njega ne odnosi član IX.1 Ustava Bosne i Hercegovine,
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine („Službene novine F BiH“, broj: 12/03,34/03 i 65/13),
6. da nije izabrani dužnosnik, nosilac izvršne funkcije ili savjetnik u smislu Zakona o sukobu interesa u organima vlasti u Federaciji Bosne i Hercegovine („Službeni glasnik BiH“, broj: 70/08),
7. da nema privatni interes u Fondu u kojem se kandiduje u smislu člana 2. tačka 1.2. Zakona o ministarskim, vladinim i drugim imenovanjima u Federaciji BiH,
8. da nije osuđivan za krivično djelo i za prekršaj nespojiv s dužnošću u upravnom odboru, pet (5) godina od dana pravomoćnosti presude, isključujući vrijeme zatvorske kazne,
9. da mu presudom suda nije zabranjeno obavljanje aktivnosti u nadležnosti upravnog odbora i
10. da ne postoje druge zakonske smetnje za obavljanje poslova u upravnom odboru u koji se kandiduje.

V.2. Posebni uslovi

Pored opštih, kandidat za člana Upravnog odbora mora ispunjavati i sljedeće posebne uslove:

1. univerzitetsko zvanje i završen VII stepen stručne spreme ili najmanje 240 ECT bodova po bolonjskom sistemu studiranja.
2. sposobnost za savjesno, odlučno i odgovorno profesionalno obavljanje upražnjene pozicije,
3. izražena individualnost, inicijativnost, nezavisnost u radu i donošenju odluka;
4. komunikacijske i organizacijske sposobnosti
5. sposobnost upravljanja finansijskim i ljudskim resursima i sklonost ka timskom radu i
6. rezultate ostvarene tokom karijere.

Napomena

Lični podaci o kandidatima su tajni i mogu se prikupljati i obrađivati samo u skladu sa Zakonom o zaštiti ličnih podataka („Službeni glasnik BiH“, broj 49/06, 76/11 i 89/11).

VI. Potrebni dokumenti

Prijava kandidata treba sadržavati kraći životopis, adresu i kontakt telefon.

Uz prijavu treba dostaviti original ili ovjerenu kopiju sljedećih dokumenata:

- trajni izvod iz matične knjige rođenih,

- uvjerenje o državljanstvu (ne starije od šest mjeseci) ili ovjerenu kopiju CIPS lične karte,
- dokaz o stručnoj spremi,
- potpisane i ovjerene izjave na okolnosti tačaka 3.- 7. i 10. Opštih uvjeta,
- ispunjavanje posebnih uvjeta iz tačaka 2.-6. Posebnih uvjeta kandidat dokazuje odgovarajućom preporukom poslodavca ili poslodavaca (original ili ovjerena kopija) i
- kandidat treba dostaviti podatke za najmanje 2 (dva) kontakt lica koji se mogu kontaktirati o kandidatu u vezi sa standardima utvrđenim u tačkama 2-6.

Napomena

U roku od osam (8) dana od dana imenovanja kandidat koji bude konačno imenovan za člana Upravnog odbora bit će dužan dostaviti sljedeće dokaze:

- da nije osuđivan za krivično djelo i za prekršaj nespojiv s dužnošću u upravnom odboru, pet (5) godina od dana pravomoćnosti presude, isključujući vrijeme zatvorske kazne;
- da mu presudom suda nije zabranjeno obavljanje aktivnosti u nadležnosti upravnog odbora.

VII. Opšti podaci

Kandidati koji budu stavljeni na listu užeg izbora bit će pozvani na intervju pred Komisijom za izbor, nakon čega će Komisija putem pisane preporuke predložiti rang-listu s najboljim kandidatima.

Kandidat s liste užeg izbora dužan je, prije intervjua, popuniti obrazac u kojemu će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja. Obrasci će se dobiti neposredno pred održavanje intervjua.

Oglas će biti objavljen u "Službenim novinama F BiH" i dnevnim novinama Večernji list i Dnevni avaz.

Rok za podnošenje prijave je 15 dana od dana posljednjeg javnog objavljivanja.

Prijave s traženim dokumentima s naznakom "PRIJAVA NA JAVNI OGLAS ZA UPRAVNI ODBOR FONDA ZA ZAŠTITU OKOLIŠA HERCEGOVAČKO NERETVANSKOG KANTONA " – NE OTVARAJ, treba dostaviti lično ili preporučenom poštom na adresu

Ministarstvo trgovine, turizma i zaštite okoliša HNK

Braće Fejića bb, 88 000 Mostar

Neblagovremene i nepotpune prijave neće se razmatrati.